

Uunga siunnersuut: Imaanut inatsisip allannguutai pillugit inatsisit kunngikkormiunit peqqussuteqartoqarneratigut Kalaallit Nunaannut atuuttussanngortitsinissaat pillugit Namminersorlutik Oqartussat oqaaseqaateqarnissaannik Inatsisartut aalajangiiffigisassa

(Kommuninut, Nunaqarfinnut, Isorliunerusunut, Attaveqatigiinnermut Ineqarnermullu Naalakkersuisoq)

Saqqummiussineq

(Kommuninut, Nunaqarfinnut, Isorliunerusunut, Attaveqatigiinnermut Ineqarnermullu Naalakkersuisoq)

Siullermeerneqarnera

Naalakkersuisut sinnerlugit imaanut inatsisip allannguutai arlallit pillugit aalajangiiffigisassatut siunnersuut manna saqqummiuppara.

Siunnersuummi inatsisit atuuttut inatsisitut naleqqunnerusunngorlugit naapertuunnerusunngorlugillu iluarsaaneqarnissaat siunertarineqarpoq.

Ukiuni kingullerni danskit imaanut inatsimmi arlalinnik allannguisoqarpoq, Kalaallit Nunaanni imarsiornermut inatsisinik naleqqunnerusunik, nutaaliaanerusunik minnerunngitsumillu naapertuunnerusunik pilersitsiviusinnaasunik.

Imaanut inatsisip ataatsimut allanneqarnera kingulleq 2014-imeersuuvoq, taannali Kalaallit Nunaannut atuutinngilaq. Inatsit Kalaallit Nunaannut atuuttoq 2004-meersuuvoq, imaanilu inatsisip Kalaallit Nunaannut nalinginnaasumik pingaaruteqarnera eqqarsaatigalugu, maanna imarsiornermut inatsisit nutarterneqarnissaat Kalaallit Nunaanni atuisunit annertuumik kissaatigineqarpoq.

Allannguutissat ataatsimut isigalugit immikkoortumi ingerlatsinermut allannguinerit annikinnerusut arlallit pitsaasumillu isumallit imaanut inatsimmik pitsannguisussaapput. Allannguutit akisussaanermut sillimmasiisarnermullu ataatsimut tunngasuupput, mingutsitsisoqarnerani aningaasaqarnermut kingunerisassanut ajoquserneqartup illersorneqarnissaanut, aammalu taarsiinissamut piumasaqartoqarnerani aningaasaqarnikkut matussutissaqarnissap qulakkeerneqarnissaanut tunngasuullutik. Tamatuma saniatigut kalitsisarnermut maleruagassanik annikinnerusunik arlalinnik iluarsisoqarpoq. Umiarsuarnik nalunaarsuisarneq pitsaanerusoq atuutsinneqalissaaq, taamaalillunilu umiarsuit danskit/kalaallit illoqarfiisa arlaat umiarsuarmut angerlarsimaffittut qinersinnaalissavaat, kiisalu nunanit allaniit danskit nalunaarsuiffiannut nuussisarneq eqaannerulersinneqassalluni. Aningaasaqarnikkut nikerartitsisarnerit atuutiinnarnissaat anguniarlugu umiarsuit maani nunatsinniit aqunneqarpata, nakkutigineqarpata ingerlanneqarpatalu danskit kalaallilu umiarsuaatileqatigiiffiisa umiarsuarnik umiarsuarnut nalunaarsuiffinnut allanut nuussisinnaanissaat ammaanneqarpoq.

Pingaartumik imarsiornermi atuisut allannguinnissamut inatsit, Kalaallit Nunaanni inuussutissarsiummut pingaarutilittut inissisimalersussat tapersermassuk nuannaarutigaa.

Taamatut oqaaseqarlunga Naalackersuisut sinnerlugit immikkoortoq Inatsisartuni
suliassanngorlugu tunniuppara.